

黃金吟

身上有黃金人無走陸沈求時未必見得處不因尋辯捷非通物涵容是了心會彈無絃琴然後能知音

團團吟

如鑑又如鈎回旋莫記秋難窮天上理易白世間頭團處人人喜虧時物物愁有生無不喘何必待吳牛

觀慕絕句

未去交爭意難忘黑白心一條無敵路徹了没人尋未去交爭意難忘黑白情一條平穩路痛惜没人行

誠子吟

道藏輯要

擊壤集

巽四星集七

至寶明珠非有類全珍良玉自無瑕爲珠爲玉尙如此何況爲人多過差

道不遠于人乾坤只在身誰能天地外別去覓乾坤

冬至吟

何者謂之幾天根理極微今年初盡處明日未來時此際只得意其間難下辭人能知此意何事不能知

歡喜吟

揚善不揚惡記恩不記讐人人自歡喜何患少交遊

推誠吟

天雖不語人能語心可欺時天可欺天人相去不相遠只在人